

第九卷 第一冊

本草經疏第九卷
草部中品之下

總七十八種今疏其要者三十六種又移
入木部一種果部一種菜部四種

艾葉

惡實

一名牛旁一名鼠移
一名大力子

水萍

王瓜

地榆

大小薊

海藻

澤蘭

地笋

昆布

防己

天麻

阿魏

高良薑

百部根

懷香子

款冬花

紅藍花

牡丹

京三稜

薑黃

青黛

鬱金

蘆薈

延胡索

肉豆蔻

補骨脂

縮砂蜜

蓬莪茂

白前

白藥子

莎草根

胡黃連

鱧腸

使君子

白豆蔻

剪草

藿香 木部

豆蔻 果部

假蘇

蘇

香薷

薄荷 已上菜部移入

艾葉味苦微溫無毒主灸百病可作煎止下痢

吐血下部蠶瘡婦人漏血利陰氣生肌肉辟風

寒使人有子作煎勿令見風弘景搗汁止傷血殺蛇蟲蘇恭止切

血下血膿血痢主崩血金瘡安胎苦酒若酒香附為之使

作煎治蠶大明治婦人帶下霍亂轉筋李時珍云凡艾須用陳久者治合細軟謂之熟艾若生艾交火則傷人肌脉棟取淨

疏○艾葉稟天地之陽氣以生故味苦微溫葉揚去塵灰入石臼內木槌搗熟篩去渣滓取白者再搗至柔爛如綿為度

熟則大熱可升可降其氣芳烈純陽之草也

故無毒入足太陰厥陰少陰三經燒則熱氣

用時煨燥則灸火得力如婦人丸散須以熟艾用醋煮乾搗成餅子烘乾再研為

內注通筋入骨故灸白病性能通竅辟惡殺

末或以糯米糊作餅及酒炒者俱不佳。洪容齋隨筆錄云艾唯著力若入白

鬼精故止鬼擊吐血芳烈之氣必燥故主下

卷卷三五片同碾印時可作細末亦一異也

部匿瘡其治婦人漏血利陰氣生肌肉者皆

以之導引涼血補血藥為用者也使人有子

蓋指氣血兩虛之人風寒乘虛入子宮不孕

者設也辟風寒其性辛溫也搗汁服止傷血

者生寒而兼辛散也殺虺蟲者辛而苦也主

衄血者。傷寒邪熱鬱而不汗。則發衄也。風邪入大腸。則下血。溼熱傷脾胃。則下痢膿血。煮則上升。故亦止崩漏也。理金瘡。血熱則行也。胎爲風寒之氣所犯。則不安。風寒散。則胎自安也。苦酒作煎。治癬甚良者。殺蟲之功也。治婦人帶下。溫中除溼而升也。止霍亂轉筋者。因寒而得也。爲治白帶之要藥。調經之妙品。故婦人方多須之。

主治參互

艾葉能灸百病陳久者良 入紅鉛蒸臙補

陽虛溫脾胃 治婦人月事不調血少無熱

證者同香附醋浸入四物湯加阿膠枳殼神

効 金匱要略婦人有漏下者有半產後下

血不絕者有妊娠下血者竝以膠艾湯主之

阿膠二兩艾葉三兩芎藭甘草各二兩當歸

地黃各三兩芍藥四兩水五升清酒五升

取三升內膠令消盡每溫酒一升日三服
妊娠產後血虛人作痢下血用膠艾湯蘄艾
阿膠白芍藥人參橘皮甘草胎前加黃芩產
後入當歸 燒烟入管中熏狐惑蟲豸良
非時不正之氣傷人發爲頭痛壯熱因於寒
者用乾艾葉三升水一斗煮取一升頓服取
汗出肘後方 婦人良方治妊娠風寒卒中
不省人事狀如中風用熟艾三兩米醋和炒

極熱以絹包熨臍下良久即解 蚘蟲咬或

心痛如刺口吐清水白熟艾一升水三升煮

取一升服吐蟲出或取生艾搗汁五更先食

香脯一片乃飲一升當下蟲出 鷲掌風用

斬艾五兩水四五碗煮五六滾入大口甌覆

以麻布二層熏掌心如冷頓熱再熏如神

發背初起急灸瘡頭不痛灸至痛痛灸至不

痛奪命神方也縱潰毒氣外洩不致內攻矣

一初腫毒初起在便西用灸法性於面生毒則不宜

若未潰瘡頭用溼紙貼上看先乾處是也卽
於此灸 賺瘡年久口冷不合者用艾烟熏
之

簡誤

艾性純陽善辟風寒溼氣及非時邪氣然性
氣芳烈而燥熱凡婦人胎動不安由於熱而
不由於寒妊娠下痢膿血由於暑溼腸胃熱
甚而非單溼爲病崩中由於血虛內熱經事

先期由於血熱吐血不由於鬼擊中惡霍亂
轉筋不由於寒邪而由於脾胃虛弱停滯或
傷暑所致不孕由於血虛而不由於風寒入
子宮法竝忌之

惡實味辛平主明目補中除風傷

一名鼠粘子 一名牛蒡子 一名大

疏○惡實至秋而成得天地清涼之氣本經

雷公云以酒拌炒有白霜者拭去焙乾研粉用

言辛平藏器兼苦升多於降陽也入手太陰

足陽明經為散風除熱解毒之要藥辛能散

結。苦能洩熱。熱結散。則臟氣清明。故明目而
補中。風之所傷。衛氣必壅。壅則發熱。辛涼解
散。則表氣和。風無所留矣。故除風傷。藏器主
風毒腫諸瘻。元素主潤肺散結氣利咽膈去
皮膚風。通十二經者。悉此意耳。故用以治癩
癬痘瘡尤獲奇驗。

主治參互

同赤檉木為癩家要藥 同浮萍等分為末

治風熱癰瘡薄荷湯下每服二錢日進二服

同紫草犀角生地黃治天行痘瘡血熱乾

枯不得出有神 痘癰要訣治咽喉痘瘡牛

旁子二錢桔梗一錢五分粉草節七分水煎

服 和濟局方治痘瘡出不快時壯熱狂躁

咽膈壅塞大便秘瀉小兒咽腫不利牛旁子

炒一錢二分荆芥穗二分甘草四分水煎溫

服已出亦可服名必勝散若大便利者勿用

延年方治風齩牙疼單用一味煎湯含漱

吐去 袖珍方治便癰腫痛用牛旁子二錢

炒研入蜜一匙朴消一匙空心溫酒服 劉

禹錫傳信方療暴中風用緊細牛旁子根取

時避風以竹刀或荆刀刮去土用生布拭了

本方治唇節腫痛風熱攻手指者腫麻木甚則攻肩背兩膝遇暑熱則大便

搗絞取汁一大升和蜜四大合溫分二服得

開牛旁子三兩新豆豉炒老活者二兩為末每服二錢白湯下

汗出便瘥

簡誤

惡實性冷而滑利。痘瘡家惟宜於血熱便閉
之證。若氣虛色白。大便自利。或泄瀉者。慎勿
服之。痧疹不忌泄瀉。故用之無妨。癰疽已潰。
非便閉不宜服。

水萍味辛酸寒無毒。主暴熱身癢。下水氣。勝酒。
長鬚髮。主消渴。下氣。以沐浴生毛髮。久服輕身。
一名水花。

疏○水萍專得水氣之清陰。故味辛氣寒。別

錄兼酸無毒。蓋其體輕浮。其性清燥。能祛溼
熱之藥也。熱氣鬱於皮膚則作癢。味辛而氣
清寒。故能散皮膚之溼熱也。寒能除熱。燥能
除溼。故下水氣。酒性溼熱。而萍之質不沉於
水。其氣味辛寒。輕清而散。故能勝酒。血熱則
鬚髮焦枯而易墮。涼血則榮氣清。而鬚髮自
長矣。別錄主消渴者。以溼熱之邪去。則津液
自生。而渴而止也。其曰下氣。以沐浴生毛髮

者亦以寒能除熱涼血之驗也。熱邪不干。榮氣清旺。則能獲輕身矣。

主治參互

蘇頌曰治惡疾癘瘡遍身者濃煮汁浴半日多効。聖惠方少年面皤按浮萍禽之亦可飲汁少許。千金翼方治小便不利膀胱水氣流滯浮萍日乾爲末服方寸七日二服良。

子母秘錄風熱丹毒浮萍搗汁傅之令遍。

去風丹採浮萍詩曰天生靈草無根幹不
在山間不在岸始因飛絮逐東風汎梗青青
飄水面神仙一味去沉疴采時須在七月半
選甚癱風與大風些小微風都不筭豆淋酒
化服三丸鐵撲頭上也出汗其法以紫背浮
萍曬乾為細末煉蜜丸彈子大每服一丸以
豆淋酒化下治癱瘓三十六種風有驗

李時珍曰七月采之揀淨以竹篩攤晒下置水一盆映之即易乾

簡誤

表氣虛而白汁者勿用

王瓜味苦寒無毒。主消渴內疸瘀血月閉寒熱
酸疼。益氣愈聾。療諸邪氣。熱結鼠瘦。散癰腫留
血。婦人帶下不通。下乳汁。止小便數不禁。逐四
肢骨節中水。療馬骨刺人瘡。一名土瓜。

疏○王瓜稟土中清肅陰寒之氣。故味苦氣
寒而無毒。其能除溼熱熱毒。大約與栝樓性
同。故其主治內疸消渴邪氣熱結鼠瘦癰重

等證皆與栝樓相似。而此則入血分諸病爲多耳。簡誤主治與栝樓亦略相當。不復贅。地榆味苦甘酸微寒無毒。主婦人乳痃痛。七傷帶下。五漏。止痛。除惡肉。止汗。療金瘡。止膿血。諸瘻惡瘡。熱瘡。消酒。除消渴。補絕傷。產後內塞。可作金瘡膏。得髮良。惡麥門冬

疏○地榆稟地中陰氣。而兼得乎天之微陽。故味苦甘酸。氣則微寒而無毒。氣薄味厚。沉

而降陰也。入足厥陰少陰手足陽明經婦人

乳痙痛者。厥陰肝經有熱。以致血分熱壅所

致也。七情傷於帶脉。故帶下也。五漏者。陽明

大腸溼熱傷血病也。血熱則腫而作痛。惡肉

者。亦血熱極則瘀。故腫而成惡肉也。傷則出

血。血出必發熱而作痛。金瘡是也。膿血不止。

皆血熱所致。諸癩惡瘡。莫不由血熱所生。苦

寒能涼血。血復熱。熱散則血舌重。肖文立。口

上諸疾也。性行而帶補。味兼甘酸。故補絕傷。
及產後內塞也。消酒除渴。明目。止純血痢。疳
痢。極効。治腸風者。皆善祛溼熱之功也。沉寒
入下焦。故多主下部溼熱諸病。

主治參互

地榆得金銀花等分。佐以芍藥甘草枳殼黃
連烏梅。治血痢如熱在心經。下利純鮮血。則
加生犀角汁十五匙。神驗。綿地榆四兩爲

君加金銀花兩許鮫鯉甲三片土炒研細水
 酒煎濃空心溫熱服治橫痃魚口有神雖甚
 四服無不消者若已成膿更加鹽水炒黃耆
 五錢白芷二錢主速潰易合去鮫鯉甲并加
 牛膝木瓜殭蠶黃檗治下疳陰蝕極効 聖
 惠方治婦人漏下赤白不止令人黃瘦地榆
 三兩米醋一斤煮十餘沸去滓食前稍熱服

一合 崔元亮每上方治赤痢骨立者也論

一斤水三升煎一升半去滓再煎如稠飴絞
濾空腹時服三合日再服 活法機要治久

病腸風痛癢不止地榆五錢蒼朮一兩水二

鍾煎一鍾空心服一日一服 肘後方治下

血不止二十年者地榆鼠尾草各二兩水二

升煮一升頓服若不斷以水漬屋塵飲一小

盃投之 宣明方治結陰下血腹痛不已地

榆四兩炙甘草三兩每服五錢水一盞入縮

砂七枚煎半盞分二服 肘後方治小兒疳
痢地榆煮汁熬如飴糖與服便已 千金方
治大指腫痛地榆煮汁漬之半日愈

簡誤

地榆性寒而下行。凡脾胃虛寒作泄。白痢久
而胃弱。胎產虛寒泄瀉。血崩脾虛作泄。法並
禁服。

大小薊根味甘溫。主養精保血。大薊主女子赤

白沃安胎止吐血鼻衄令人肥健

疏○大薊根稟土之冲氣兼得天之陽氣故
味甘氣溫而無毒日華子涼當是微寒陶云
有毒誤也女子赤白沃血熱所致也胎因熱
則不安血熱妄行溢出上竅則吐衄大薊根
最能涼血血熱解則諸證自愈矣其性涼而
能行行而帶補補血涼血則榮氣和榮氣和
故令肥健也

主治 參互

大薊葉得地榆茜草牛膝金銀花治腸癰腹
癰少腹癰生搗絞汁入前四味濃汁和童便
飲良 得炒蒲黃櫻皮灰調汁半升治崩中
下血立瘥 又治瘀血作暈跌撲損傷作痛
俱生取汁入酒并童便服 又治惡瘡疥癬
同鹽搗晉之 藥性論云大薊亦可單用味
苦平上崩中下血生取根搗絞汁服半升許

立瘡。日華子云大薊葉涼治腸癰腹藏瘡。
血血暈撲損可生研酒并小便任服惡瘡疥。
癰鹽研罨傅又名刺薊山牛旁。

○小薊根苗氣味甘溫微寒無毒其所稟與大
薊皆同得土中冲陽之氣而兼得乎春氣者
也故主養精保血精屬陰氣血之所生也甘
溫益血而除大熱故能養精而保血也。陳
藏器云破宿血生新血暴下血血崩出血嘔

血等。絞取汁作煎。和沙糖合金瘡及蜘蛛蛇
蝎毒服之亦佳。日華子云小薊根涼無毒
治熱毒風并胸膈煩悶開胃下食退熱補虛
損苗去煩熱生研汁服小薊力微只可退熱
不似大薊能補養下氣 食療云小薊根主
養氣取生根葉搗取自然汁服一盞亦佳又
取葉煮食之除風熱根主崩中又女子月候
傷過搗汁半升服之金瘡血不止接葉封之

夏月熱煩悶不止搗葉取汁半升服立瘥

聖惠方治心熱吐血口乾用刺薊葉及搗絞

取汁每服一小盞頓服 又方乳石發動壅

熱心悶吐血以生刺薊搗取汁每服三合入

蜜少許攪勻服之 外臺秘要治鼻塞不通

小薊一把水二升煮取一升去滓分服 梅

師方治卒吐血及瀉鮮血取小薊葉搗汁溫

服 簡要濟衆治九竅出血以刺薊一握絞

取汁以生酒盞調和頓服如無鮮汁只擣乾者爲末冷水調三錢。又方治小兒浸淫瘡痛不可忍發寒熱刺薊末新水調傅瘡上乾卽易之。

簡誤

大小薊性下行。以其能下氣。故主崩衄多効。惟不利於胃弱泄瀉。及血虛極。脾胃弱不思飲食之證。

海藻味苦鹹寒無毒。主瘰癧氣。頸下核破散結。氣癰腫。癥瘕堅氣。腹中上下鳴。下十二水腫。療皮間積聚。暴癩癰氣熱結。利小便。

李時珍曰洗淨鹹味焙乾用

疏○海藻全稟海中陰氣以生。故味苦鹹寒而無毒。氣味俱厚。純陰沉也。苦能洩結。寒能除血熱。鹹能軟堅潤下。故本經主瘰癧氣。頸下核破散結。氣癰腫。癥瘕堅氣。及腹中上下鳴。下十二水腫。療癩皮間積聚。暴癩癰氣熱結。

利小便。潔古專消癭瘤。馬刀瘰癧。諸瘡堅而不潰者。經云。鹹能軟堅。滎氣不從。外爲浮腫。隨各引經治之。腫無不消。反甘草。一云有小毒。

主治參互

危氏得効方治蛇盤瘰癧頭項交接者。海藻菜以蕎麥麵炒過。白殭蠶等分爲末。以白梅泡湯和丸。梧子大。每服六十九。米飲下。必泄。

出毒氣宜加連翹 范汪方海藻酒治瘦氣
及項下瘰癧用海藻一斤絹袋盛之以清酒
二斤浸之春夏二日秋冬三日每服兩合日
三酒盡再作其滓曝乾爲末每服方寸七日
三服不過兩劑卽瘥 雷公云凡使須用生
烏荳并紫背天葵同蒸一伏時曝乾用宜以
淡白酒先洗淨爲佳。

簡誤

脾家有溼者勿服。

澤蘭味苦甘微溫無毒。主乳婦內衄。中風餘疾。大腹水腫。身面四肢浮腫。骨節中水。金瘡。癰腫。瘡膿。產後。金瘡內塞。防已爲之使。根名地笋。

疏○澤蘭感土澤之氣。故味苦甘而入血。兼得乎春氣。故微溫而無毒。桐君兼酸。故入足厥陰大陰經。苦能洩熱。甘能和血。酸能入肝。溫通榮血。故又主癰腫瘡膿。及婦人吹乳。乳

止衄血。并中風餘疾。佐以益脾土之藥而
用防已爲之使。則主大腹水腫。身面四肢浮
腫。骨節中水氣。日華子云。澤蘭通九竅。利關
脉。養血氣。破宿血。消癥瘕。產前產後百病。通
小腸。長肉生肌。消撲損瘀血。治鼻洪吐血。頭
風目痛。婦人勞瘦。丈夫面黃。又藥性論云。澤
蘭使。味苦辛。主產後腹痛。頻產。血氣衰冷。成
勞瘦羸。又治通身面目大腫。主婦人血瀝腰

痛。總其洩熱和血。行而帶補之能也。

主治參互

澤蘭婦人方中。最爲急用。古人治婦人。澤蘭丸甚多。澤蘭得炒黑豆。炮乾薑。當歸。芍藥。乾地黃。牛膝。益母草。赤芍藥。蒲黃。五靈脂。治

產後惡露不盡。少腹作痛。俗名兒枕痛。寒月加桂。多火及內熱虛勞人。去桂。加童便。去五

靈脂。加人參。鼈甲。香附。麥門冬。治產後諸虛。

百病肺熱者去人參 雷公云凡使須要別

識雌雄其形不同大澤蘭莖葉皆圓眼青黃

能生血調氣養榮氣與小澤蘭迥別採得後

看葉上斑根須尖此藥能破血通久積凡修

事大小澤蘭須細判之用絹袋盛懸於屋南

畔角上令乾用子母秘錄治小兒蓐瘡嚼

澤蘭心封上澤蘭氣味和平除婦人產後他

用甚稀故無簡誤

前一洗之即安

集簡方治產後陰戶燥熱微成翻花者用澤蘭四兩煎湯煮洗三五次後再入枯礬

備急方治產後血虛浮腫用澤蘭切已等分為末每服二錢醋酒下

昆布味鹹寒無毒主十二種水腫瘦瘤聚結氣
瘦瘡

疏○昆布得水氣以生。故味鹹氣寒而性無
毒。鹹能軟堅。其性潤下。寒能除熱散結。故主
十二種水腫。瘦瘤聚結氣瘦瘡。東垣云。瘦堅
如石者非此不除。正鹹能軟堅之功也。詳其
氣味性能治療與海藻大略相同。故同一簡
誤也。

主治參互

外臺秘要項下卒腫其囊漸大欲成癭者昆
布海藻等分爲末蜜丸杏核大時時含嚥汁

一 聖惠方癭氣結核。癩癩腫硬以昆布一兩

洗去鹹曬乾爲散每以一錢綿裹好醋浸過
含之嚥汁味盡再易之項下五癭同此 廣

濟方治膀胱結氣急宜下氣用昆布一斤白
米泔浸一宿洗去鹹味以水一斛煮熱劈細

入葱白一握寸斷之更煮極爛乃下鹽酢摻
薑橘椒末調和食之仍食梁米粳米飯極能
下氣

防已味辛苦平溫無毒主風寒溫瘧熱氣諸癰
除邪利大小便療水腫風腫去膀胱熱傷寒寒
熱邪氣中風手脚攣急止洩散癰腫惡結諸癩
疥癬蟲瘡通腠理利九竅

李時珍曰今多去皮剉酒洗晒乾用
疏○防已得土中陽氣而兼感乎秋之燥氣

以生。故味辛。苦平。溫無毒。潔古謂其大苦辛。寒爲得之。然性燥而不淳。善走下行。長於除溼。以辛能走散。兼之氣悍。故主風寒。溫瘧熱氣。諸癩。除邪氣。除溼。下行。故利大小便。此本經所載也。別錄療水腫。風腫。去膀胱熱。通腠理。利九竅。止泄者。皆除溼之功也。其曰傷寒寒熱邪氣。中風。手腳攣急。則寒非燥藥可除。不宜輕試。又曰散癰腫。惡結。諸癩。疥癬。蟲瘡。

非在下部者亦不宜用治溼風口眼喎邪手足拘痛真由中風溼而病者方可用之留痰非由脾胃中溼熱而得者亦不宜服肺氣喘嗽不因風寒溼所鬱腠理壅滯者勿用惟治下焦溼熱腫洩脚氣行十二經溼為可任耳生漢中內有淡黑紋暈如車輻解者良凡修事以車前草根相對蒸半日曬乾殺雄黃毒惡細辛畏草薺女苑鹵鹹伏硝石殷孽為之

使。
主治參互。

凡用防已於下部溼熱藥中亦必以二水茯苓黃檗甘草葶木瓜石斛薏苡仁等補益之藥爲主而使防已爲使乃無瞑眩之患陶曰防已是療風水要藥潔古曰去下焦溼腫及痛并洩膀胱火邪必用漢防已龍膽草爲君黃檗知母甘草佐之防已乃足太陽本經

藥也。本草十劑云通可去滯通草防已之屬是也。夫防已大苦寒。能瀉血中溼熱。通其滯塞。亦能瀉大便。補陰瀉陽。助秋冬瀉春夏之藥也。比之於人。則險而健者也。幸災樂禍。能首爲亂階。然善用之。亦可敵兇突險。此瞑眩之藥也。故聖人存而不廢。大抵聞其臭。則可惡。下咽。則令人心煩亂。飲食減少。至於十二經有溼。壅塞不通。及下注脚氣。暨膀胱

積熱非此藥不可。眞行經之仙藥。無可代之者。若夫飲食勞倦。陰虛生內熱。元氣穀食已虧。以防已洩大便。則重亡其血。此不可用一也。如人大渴引飲。是熱在上焦肺經氣分。宜滲泄。而防已乃下焦血分藥。此不可用二也。外傷風寒邪。傳肺經氣分。溼熱而致小便黃赤。乃至不通。此上焦氣病。禁用血藥。此不可用三也。大抵上焦溼熱者皆不可用。下焦溼

熱流入十二經。致二陰不通者。然後審而用之。張仲景方治皮水。肘腫按之沒指不惡風。水氣在皮膚中。四肢聶聶動者。防已茯苓湯主之。防已黃耆桂枝各三兩。茯苓六兩。甘草三兩。水一升。煎半升。日二服。又方治風水惡風。汗出身重。脈浮。防已黃耆湯主之。防已一兩。黃耆二兩。二錢半。白朮七錢半。炙甘草半兩。剉散。每服五錢。生薑四片。棗一枚。水

一盞半煎八分溫服良久再服腹痛加芍藥
又治風溼相搏關節沉痛微腫惡風方同

上

簡誤

防已固爲去下焦血分溼熱之要藥。然其性
悍。其氣猛。能走竄決防。大苦大寒。能傷胃氣。
凡胃虛。陰虛。自汗。盜汗。口苦。舌乾。腎虛。小水
不利。及胎前產後血虛。雖有下焦溼熱。慎毋

用之犯之為害非細

天麻味辛平無毒主諸風溼痺四肢拘攣小兒

風癘驚氣利腰膝強筋力久服益氣輕身

一名赤箭

李時珍云洗淨以濕紙包於糠火中煨熟取出切片酒浸焙乾用

疏○天麻得土之辛味兼感天之陽氣以生

故其味辛氣平無毒大明云暖浮而升陽也

入足厥陰經厥陰為風木之臟諸風溼痺四

肢拘攣小兒風癘驚氣皆肝臟為邪氣所客

致病天麻入肝味辛氣暖能逐風溼外邪則

肝氣平和前證自瘳矣。肝主筋。位居於下。故能利腰膝強筋力也。風溼纏注。則身重氣乏。能除風溼。則身自輕。氣自益也。凡頭風眩暈。與夫痰熱上壅。以致頭痛及眩。或四肢溼痺麻木。小兒風癩驚悸等證。所必須之藥。

主治參互

同木半夏黃芩前胡橘皮茯苓治痰厥頭痛
同木橘皮茯苓車前治飲在心下作支滿

同南星前胡橘皮白前消一切風痰

簡誤

風藥多燥。風能勝溼故也。凡病人覺津液衰少。口乾。舌燥。咽乾作痛。大便閉澀。病火炎頭暈。血虛頭痛。及南方似中風。皆禁用之。

阿魏味辛平。無毒。主殺諸小蟲。去臭氣。破癥積。下惡氣。除邪鬼蠱毒。

疏○阿魏稟火金之氣。而兼得乎天之陽氣。

故其味辛平溫而無毒。氣味俱厚。陽也。入足太陰陽明經。其氣臭烈殊常。故善殺諸蟲。專辟惡氣。辛則走而不守。溫則通而能行。故能消積。利諸竅。除穢惡邪鬼蠱毒也。蘇恭曰。體性極臭。而能止臭。亦奇物也。

主治參互

同人參橘紅京三稜蓬莪茂砂仁治一切肉食堅積入膏藥同麝香硫黃蘇合油貼一切

痞塊 同安息香百部青黛丹砂治尸疰惡

氣

簡誤

阿魏之氣臭烈。人之血氣聞香則順。聞臭則逆。故凡脾胃虛弱之人。雖有痞塊堅積。不可輕用。當先補養胃氣。胃氣強則堅積可漸磨而消矣。故古人治大積大聚。消其大半而止。

正此謂也。

高良薑大溫。主暴冷。胃中冷逆。霍亂腹痛。

李時珍云用東壁土合炒用

疏○高良薑稟地二之氣以生。本經大溫。藏

器辛溫。元素辛熱。純陽浮也。入足陽明太陰

經。二經爲客寒所犯。則逆冷。霍亂腹痛諸病

生焉。辛溫煖脾胃而逐寒邪。則胃中冷逆自

除。霍亂腹痛自愈矣。甄權治腹內久冷氣痛。

去風冷痺弱。大明主轉筋瀉痢反胃。解酒毒。

消宿食。蘇頌治惡心嘔清水。皆取其煖胃溫

中散寒祛冷之功也

主治參互

外臺秘要霍亂吐利高良薑炙令香每用五兩以酒一升煮三四沸頓服亦治腹痛中惡

普濟方霍亂嘔甚不止用高良薑生剉二

錢大棗一枚水煎冷服立定

名水
去湯

禾類鈴方心

脾冷痛用高良薑三錢五靈脂六錢爲末每

服三錢醋湯調下

高良薑辛溫大熱。惟治客寒犯胃胃冷嘔逆。及傷生冷飲食。致成霍亂吐瀉之要藥。如胃火作嘔。傷暑霍亂。火熱注瀉。心虛作痛。法咸忌之。

百部根微溫。

蜀本云微寒。

主欬嗽上氣。

雷公云用竹刀劈去皮心花用酒浸一宿焙乾切用。

疏○百部根正得天地陰寒之氣。故蜀本云

微寒。日華子言苦。本經言微溫者誤也。苦而

下洩。故善降肺氣。升則喘嗽。故善治咳嗽。上
氣。能散肺熱。故藥性論主潤益肺。其性長於
殺蟲。傳尸骨蒸勞。往往有蟲。故亦主之。疝熱
有蟲。及虻蟲。寸白蟲。螯蟲。皆能殺之。又燒熏
樹木。蛙蟲。觸烟卽死。亦殺蠅蠊。日華子論之
詳矣。陶云。殺蟲。濃煎洗牛馬。蟲卽去。陳藏器
云。火炙酒浸。空腹飲。去蟲蠶咬。兼疥癬瘡。

同桑根白皮天麥二冬貝母枇杷葉五味子
紫菀治一切虛嗽但不能治食積嗽 千金

方單用一味熬膏入蜜不時取服可療三十

年嗽 楊氏經驗方治遍身黃腫取鮮百部

根洗搗罨臍上以糯米飯半升拌酒半合揉

和蓋在藥上用帛包住過一二日後口內作

濁氣則水從小便出腫自消矣 聖濟總錄

百蟲入耳百部炒研細末生油調敷耳門上

簡誤

百部味苦。脾虛胃弱人。宜兼保脾安胃藥同用。庶不傷胃氣。

味苦者性多寒。寒涼敗胃故也。

藜香子。味辛平。無毒。主諸瘻霍亂。及蛇傷。

得酒良

疏。○藜香得土金之冲氣。而兼稟乎天之陽。

小苗香性平。理氣開胃。宜入藥。

大苗性熱。多食損目發瘻。

故其味辛平。亦應兼甘無毒。辛香發散。甘平

和胃。入足太陰、陽明、太陽、少陰經。故主霍亂。

香氣先入脾。脾主肌肉。故主諸瘻。脾主四肢。

故主脚氣。通腎氣。膀胱爲腎之腑。故主膀胱
腎間冷氣。及治疝氣。胃和則熱解。熱解則口
臭自除。

主治參互

藿香酒炒得川棟子荔枝核橘核肉桂蒼朮
木瓜牛膝治寒溼成疝 得炒砂仁食鹽則
主中惡腹痛霍亂腹痛吐逆 古方惡毒癰
腫或連陰髀間疼痛急攣牽入少腹不可忍

一宿則殺人者用藿香苗葉搗取汁一升服
之日三四進用其滓以貼腫上冬間根亦可
用此外國方永嘉已來用之起死神効

簡誤

藿香辛溫。胃腎多火。陽道數舉。得熱則嘔者。
勿服。

欬冬。花味辛甘溫無毒。主欬逆上氣。善喘。喉痺。

諸驚癇。寒熱邪氣。消渴。喘息呼吸。
杏仁為之使得紫花良
畏貝母黃芩芍藥之類

疏○欬冬花得天地陰寒之氣。而兼稟乎金水之性。故凌冰雪而獨秀。其味辛甘溫而無毒。陰中含陽降也。辛能散而能潤。甘能緩而能和。溫則通行不滯。善能降下。欬逆上氣。善喘。喉痺。諸驚癇。寒熱邪氣。消渴喘息呼吸。一皆氣升火炎之病也。氣降則火自降。氣降則陽交於陰。水火既濟。既濟則火不上炎。氣不逆升。肺不受邪。得清肅之常道。而諸證自退。

矣。杏仁爲之使。得紫苑良。

主治參互。

欵冬花雖畏貝母然得貝母桑根白皮紫苑
枇杷葉栝樓根百部天麥門冬杏仁治喘逆
及咳嗽反良物有相制故也如半夏畏生薑
得之則制其毒而愈能奏効也 得麻黃杏
仁桑根白皮甘草治風寒鬱實熱於上焦肺
分作喘其効甚速 一味燒烟吸之治喘嗽

具如本草註中所載。濟生方痰嗽帶血款。

冬花百合蒸焙等分爲末蜜丸龍眼大每臥時嚼一九薄荷湯下。款冬花古今方用之。

爲治嗽要藥。以其辛溫散而能降。於肺無迂。無分寒熱虛實皆可施用。故無簡誤。

紅藍花味辛溫無毒。主產後血暈口噤。腹內惡血不盡。絞痛。胎死腹中。竝酒煮服。亦主蠱毒下血。堪作燕脂。其苗生搗碎傳遊種。其子吞數顆。

主天行瘡子不出。其燕脂主小兒聾耳滴耳中。

得酒良 洗晒乾用

疏○紅藍花稟土與火之氣。潔古海藏皆兼
甘苦溫。陰中之陽。故入心。海藏以爲肝經血
分藥也。入酒良。乃行血之要藥。其主產後血
暈口噤者。緣惡血不下。逆上衝心。故神昏而
暈及口噤。入心入肝。使惡血下行。則暈與口
噤自止。腹內絞痛。由於惡血不盡。胎死腹中。
非行血活血。則不下。瘀行則血活。故能止絞

痛下死胎也。凡蠱藥之毒必傷血分。此藥能行血。血活則毒可解。子主天行瘡子者。痘瘡因血分有毒。血行則毒散。故主之也。小兒聾耳亦血凝也。血散則耳腫自消矣。

主治參互

熱病胎死腹中新汲水濃煮紅藍花汁和童使熱飲之立瘥胞衣不下產後血暈竝同此法無不立効。同延胡索當歸生地黃牛膝

赤芍藥益母草川芎或丸或煎治經阻少腹

作痛及結塊良 其子主天行痘瘡血熱有

功宜同生犀角紫草生地黃用 燕脂其汁

所造也痘瘡初發時以之抹眼眶及眼角可

免瘡子入眼 同薄荷金絲荷葉汁入礬末

少許滴入耳中治聾耳 同冰片真珠細末

治痘毒及痘疔剔破令人吮出惡血抹入瘡

眼中良